

Ո Ր Ո Շ ՈՒ Մ
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

« 12 » փետրվարի 2019թ.

N 47/33

1. Վարչական իրավախախտման վերաբերյալ գործի նկարագրությունը, վարչական ակտն ընդունելու համար հիմք հանդիսացող փաստերը.

Երևանի քաղաքապետարանի աշխատակազմի հասարակական կարգի պահպանության ծառայության աշխատակից Ա. Ֆահրադյանի կողմից 10.05.2019 թվականին հայտնաբերվել է Հայաստանի Հանրապետության Վարչական իրավախախտումների վերաբերյալ օրենսգրքի (այսուհետև՝ Օրենսգրքը) 154-րդ հոդվածի 1-ին մասով նախատեսված վարչական իրավախախտում, մասնավորապես՝ քաղաքացի Անահիտ Ալբերտի Վարդանյանի կողմից սեփականության իրավունքով իրեն պատկանող Մ. Սարյան փողոցի հ. 18 շենքի հ. 42 հասցեում ինքնակամ իրականացվել է բնակարանի դիմային հատվածի վերակառուցման՝ քարե պատերի կառուցման և պատուհանների տեղադրման շինարարական աշխատանքներ, որի վերաբերյալ 14.05.2019 թվականին կազմվել է վարչական իրավախախտման վերաբերյալ թիվ 030122 արձանագրությունը (այսուհետև՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Անահիտ Ալբերտի Վարդանյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Անահիտ Ալբերտի Վարդանյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրերը չեն հանձնվել՝ վերջինիս չհայտնաբերելու պատճառով և ետ են վերադարձվել:

Հաշվի առնելով, որ Հայաստանի Հանրապետության վարչական իրավախախտումների վերաբերյալ օրենսգրքի դրույթներով չեն կանոնակարգվում վարչական՝ այդ թվում նաև վարչական իրավախախտման վերաբերյալ վարույթների կասեցման դեպքերը, հիմքերն ու կարգը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետով 26.06.2019 թվականի վարչական իրավախախտման գործի վերաբերյալ հ. Վ-24/63 որոշմամբ 14.05.2019 թվականին քաղաքացի Անահիտ Ալբերտի Վարդանյանի նկատմամբ կազմված հ. 030122 արձանագրության հիման վրա հարուցված վարչական վարույթը կասեցվել է մինչև վերջինիս ի հայտ բերելը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Անահիտ Ալբերտի Վարդանյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Անահիտ Ալբերտի Վարդանյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրերը չեն հանձնվել՝ վերջինիս չհայտնաբերելու պատճառով:

Վարչական իրավախախտման գործի վերաբերյալ 21.08.2019 թվականի հ. Վ-32/35, 16.10.2019 թվականի հ. Վ-39/54 որոշումներով քաղաքացի Անահիտ Ալբերտի Վարդանյանի նկատմամբ կասեցված վարչական վարույթը վերսկսվել է:

Վարչական իրավախախտման գործի վերաբերյալ 21.08.2019 թվականի Վ-32/36, 16.10.2019 թվականի հ. Վ-39/54 որոշումներով կասեցվել է 14.05.2019 թվականին քաղաքացի Անահիտ Վարդանյանի նկատմամբ կազմված հ. 030122 արձանագրության հիման վրա հարուցված վարչական վարույթը մինչև վերջինիս ի հայտ բերելը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Անահիտ Ալբերտի Վարդանյանի մասնակցությունն ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել քաղաքացի Անահիտ Վարդանյանին Երևանի քաղաքապետարանում 12.12.2019 թվականին կայանալիք նիստին ծանուցելու համար:

Քաղաքացի Անահիտ Ալբերտի Վարդանյանը 12.12.2019 թվականին ներկայացել է Երևանի քաղաքապետարան և մասնակցել վարչական իրավախախտման գործի փաստական հանգամանքների քննարկմանը, հետևաբար վերացել է վերը նշված վարչական վարույթի կասեցման հիմքերը:

Քաղաքացի Անահիտ Ալբերտի Վարդանյանը (նույնականացման քարտ 000420547, տրված 04.10.2013 թվականին 011-ի կողմից) բացատրություն տվեց այն մասին, որ չի ընդունում իրավախախտումը: Շինարարության թույլտվության մասին չի իմացել: Փոխել է պատուհանները, իսկ պատը ջերմամեկուսացրել:

Գործի քննության ընթացքում ուսումնասիրվեցին արձանագրությունը, Երևանի քաղաքապետարանի աշխատակազմի հասարակական կարգի պահպանության ծառայության վարչության պետի 18.06.2019 թվականի հ. 51/44-43115 հ գրությունը, անշարժ գույքի նկատմամբ իրավունքի պետական գրանցման վկայականի պատճենը, Երևանի քաղաքապետարանի աշխատակազմի քաղաքաշինության և հողի վերահսկողության վարչության պետի 16.07.2019 թվականի հ. 19/43115 հ գրությունը, Երևան քաղաքի Կենտրոն վարչական շրջանի ղեկավարի տեղակալի 03.07.2019 թվականի 23/35-58008 գրությունը և իրավախախտման լուսանկարները:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ քաղաքացի Անահիտ Ալբերտի Վարդանյանի կողմից սեփականության իրավունքով իրեն պատկանող Ս. Սարյան փողոցի հ. 18 շենքի հ. 42 հասցեում ինքնակամ իրականացվել է բնակարանի դիմալին հատվածի վերակառուցման՝ քարե պատերի կառուցման և պատուհանների տեղադրման շինարարական աշխատանքներ, որով թույլ է տվել Օրենսգրքի 154-րդ հոդվածի 1-ին մասով նախատեսված վարչական իրավախախտում:

2. Վարչական ակտ ընդունելու հիմնավորումը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անգործ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 154-րդ հոդվածի 1-ին մասի 1-ին պարբերության համաձայն՝ սեփականության կամ հոդօգտագործման իրավունք ունեցող անձանց կողմից այդ հողամասի վրա շենքեր և շինություններ ինքնակամ կառուցելը, ինչպես նաև բազմաբնակարան շենքերում կամ շենքերին կից ինքնակամ կառույցներ կատարելը առաջացնում է տուգանքի նշանակում՝ սահմանված նվազագույն աշխատավարձի երկու հարյուրապատիկի չափով:

Համաձայն «Վարչարարության հիմունքների և վարչական վարույթի մասին» ՀՀ օրենքի (այսուհետ՝ Օրենք) 1-ին հոդվածի՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (այսուհետ՝ անձինք) միջև ծագած հարաբերությունները:

Համաձայն Օրենքի 49-րդ հոդվածի 1-ին մասի «գ» կետի՝ վարչական մարմինը պարտավոր է կասեցնել վարչական վարույթը, եթե վարչական ակտի ընդունումը հնարավոր է միայն այդ ակտի հասցեատիրոջն ի հայտ բերելու դեպքում:

Համաձայն Օրենքի 49-րդ հոդվածի 3-րդ մասի՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանալուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 154-րդ հոդվածի 1-ին մասով, Օրենքի 49-րդ հոդվածի 1-ին մասի «գ» կետով, 3-րդ մասով, 219.1-րդ, 281-րդ և 282-րդ հոդվածներով, Երևանի քաղաքապետի 23.08.2013 թվականի թիվ 4180-Ս որոշմամբ (փոփոխ. 01.08.2017 թվականի թիվ 2645-Ս)

ՈՐՈՇԵՑԻ

1. Քաղաքացի Անահիտ Ալբերտի Վարդանյանի նկատմամբ 16.10.2019 թվականի հ. Վ-39/61 որոշմամբ կասեցվեց վարչական վարույթը վերսկսել:

2. Քաղաքացի Անահիտ Ալբերտի Վարդանյանին Օրենսգրքի 154-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 200.000 (երկու հարյուր հազար) ՀՀ դրամի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվին:

4. Սույն որոշումը կարող է բողոքարկվել վարչական և դատական կարգով՝ որոշումն ուժի մեջ մտնելուց հետո երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱՆԱԽՏՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺԻ ՊԵՏ՝

ԱՆԴՐԱՆԻԿ ՄԱՐՏԻՐՈՍՅԱՆ

